

لو قعدت تتفرج على نيلسون مانديلا باتمان او مارادونا او شمس الزناتي هتلاقي بينهم شخصيه مشتركه شخصيه عند 2% بس من سكان العالم كله ! شخصيه ال enfj او بالعربي شخصيه البطل ! الشخصيات دي اتولدت علشان تقود العالم اللي اتولدت فيه , باتمان او بروس واين بالرغم من سوداويه طفولته وقتل ابوه وامه قدام عينه وهو عنده عشر سنين اللي سببته مرض نفسي اسمه اضطراب ما بعد الصدمه ! واللي هتكلم عنه ف حلقه لوحدها ! الا ان ده ملغاش عواطفه الطيبه بالعكس زود الرغبه جواه ف انه يساعد مدينته ف التخلص من العصابات والمختلين نفسيا ! كاريذمه هي غموضه وتنكره ف شخصيه بروس واين مش العكس كأن باتمان هو الانسان الحقيقي وبروس واين هو القناع على عكس السوبر هيروز كلهم زي سوبر مان وسبايدر مان وغيرهم ! لو بصينا على نيلسون مانديلا هنلاقي شخصيه البطل جواه بالرغم من انه كان مدرج على قوائم الارهاب الامريكه لحد سنه 2008 الا انه كان مؤمن ان شعبه ليه حق ف انه يعيش زيه زي اي راجل ابيض ف بلده ! مانديلا اتحكم عليه بالسجن مدى الحياه لكنه عكس اي انسان بيتحكم عليه بالمؤبد ويموت وهو حي مانديلا ابتدا كفاحه من جوا السجن لحد ما بقي اول رئيس اسود البشره يحكم جنوب افريقيا ف التاريخ ! كاريذما مانديلا كانت ف هدوءه ورده على اسفزازات خصومه بطرق سلميه وده خلى الظالم والمظلوم ينضمو ليه ف النهايه! مارادونا بقي كان بطل بجد مش ف الكوره بس كان بطل لكل الفقراء والمهمشين ! نشأته ف حي فقير وحبه للمناضلين زي جيفارا اللي واشم صورته على دراعه ! خلته دايم ف صف المظلومين وحاسس انه مسئول عنهم ! مارادونا بعد ماجاب كاس العالم للشباب سنه 79 انتقل بعدها لبرشلونة لمدته سنتين عاني فيهم من التمييز والعنصريه! وحس ان العالم ده مش بتاعه ! فسافر لافقر مدن ايطاليا . مارادونا كان كل همه انه يخفف معاناه شعب نابولي ويحسسهم بالسعاده وفضل معاهم لحد ما حقق لهم اول بطوله دوري ف تاريخهم واول تأهل لكاس الاتحاد الاوروبي ف تاريخهم علشان يحسسهم بالامل ف بكره ! مارادونا وقف كتير لامريكا واسرائيل وكان بيعلمن دايم دعمه لفلسطين وشعبها ! سر كاريذما مارادونا هي تمرده على كل حاجه حواليه وكان دايم بيردد مقولته الشهيره : امي كانت تخبرني دوما انني الافضل وانا تربيت على ان اصدق كل ماتقوله امي ! لو عاوزني اتكلم عن شخصيات ثانيه اكتبلي ف الكومنتات !